

২৫শে অক্টোবর, ১৯৯৮ ইং তারিখে অনুষ্ঠিত যমুনা বহুমুখী সেতু কর্তৃপক্ষের ৬৫ তম বোর্ড সভায় কার্যবিবরণী।

২৫শে অক্টোবর, ১৯৯৮ ইং তারিখে মাননীয় যোগাযোগ মন্ত্রী আনোয়ার হোসেনের সভাপতিত্বে যমুনা বহুমুখী সেতু কর্তৃপক্ষের ৬৫ তম বোর্ড সভা অনুষ্ঠিত হয়। সভায় উপস্থিত সদস্য ও কর্মকর্তাদের নামের তালিকা পরিশিষ্ট ক-তে বর্ণিত আছে।

মাননীয় মন্ত্রীর এক প্রশ্নের জবাবে জানানো হয় যে, সেনাবাহিনীর চীফ অব জেনারেল স্টাফ (CGS) অন্য সভার কাজে ব্যস্ত থাকায় জেএমবিএ-র অত্র সভায় উপস্থিত থাকা তাঁর পক্ষে সম্ভব হয়নি।

আলোচ্যসূচী-১ : সভার শুরুতে সেতু কর্তৃপক্ষের নির্বাহী পরিচালক ৬৪ তম বোর্ড সভার কার্যবিবরণী নিশ্চিতকরণের জন্য সভায় পেশ করেন। ৬৪ তম বোর্ড সভার কার্যবিবরণীর উপর কোন মন্তব্য আছে কিনা তা জানতে চাওয়া হলে জেএমবিএ-র স্থানীয় বিশেষজ্ঞ ডঃ জামিলুর রেজা চৌধুরী কার্যবিবরণীর আলোচ্যসূচী-২ এর অনুচ্ছেদ নং- ৩(খ)-তে আন্তঃমন্ত্রণালয় কমিটিতে যে দু'জন স্থানীয় বিশেষজ্ঞের নাম অন্তর্ভুক্ত করা হয়েছে, তা বাদ দেয়ার জন্য সভাপতিকে অনুরোধ জানান। তবে তিনি জানান যে, Claim নিষ্পত্তির ব্যাপারে কারিগরী ও অন্যান্য বিষয়ে প্রয়োজনে PoE এর স্থানীয় বিশেষজ্ঞ (ডঃ জামিলুর রেজা চৌধুরী এবং ডঃ আইনুন নিশাত) কমিটিকে পরামর্শ ও সহায়তা প্রদান করবেন। অপর একটি সংশোধনী হিসেবে ৬৪ তম বোর্ড সভার কার্যবিবরণীর আলোচ্যসূচী ১৪-তে প্রথম অনুচ্ছেদ এর ৩ নং লাইনে বর্ণিত ভূমিকম্প জোন- D এর পরিবর্তে জোন- ৩ হবে। তাছাড়া ৬৪ তম বোর্ড সভার কার্যবিবরণীর আলোচ্যসূচী- ২ এর সিদ্ধান্ত-গ নিম্নরূপ শব্দগুলি দ্বারা প্রতাস্থাপিত হবে। "বাস্তব অবস্থার প্রেক্ষিতে এবং সকলের কাছে গ্রহণযোগ্য হয় এমন একজন নিরপেক্ষ ব্যক্তিকে Facilitator নিয়োগ করতে হবে।"

উল্লিখিত সংশোধন সাপেক্ষে ৬৪ তম বোর্ড সভার কার্যবিবরণী বোর্ড কর্তৃক অনুমোদিত হয়।

আলোচ্যসূচী-২ : যমুনা বহুমুখী সেতু প্রকল্পের ৪(চার)টি চুক্তির Claim সমূহ নিষ্পত্তির লক্ষ্যে আন্তঃমন্ত্রণালয় কমিটি গঠন এবং Facilitator নিয়োগের বিষয়টি যমুনা সেতু বিভাগের ভারপ্রাপ্ত সচিব সভায় তুলে ধরেন। তিনি জানান যে, যবসেক-এর ৬৩তম বোর্ড সভায় সিদ্ধান্ত গৃহীত হয় যে DRB এবং Arbitration এর মাধ্যম স্থগিত রেখে ঠিকাদারের সাথে Negotiation এর মাধ্যমে Claim নিষ্পত্তির বিষয়ে প্রচেষ্টা গ্রহণ করা হবে।





২। বিগত ০৬/১০/৯৮ ইং তারিখের ৬৪তম বোর্ড সভায় negotiation এর মাধ্যমে Claim নিষ্পত্তির পদ্ধতি এবং সিএসসি কর্তৃক RPT-এর উপ ব্যবস্থাপনা পরিচালক Mr. Ian Reeves-কে Facilitator হিসাবে নিয়োগের বিষয়ে বিস্তারিত আলোচনার প্রেক্ষিতে যবসেক হতে বিগত ১১/১০/৯৮ তারিখে যে ৬ জনের নাম পাঠিয়ে তাঁদের মধ্য থেকে কাউকে Facilitator নিয়োগের প্রস্তাব করে সকল ঠিকাদারের নিকট পত্র লেখা হয় তা নির্বাহী পরিচালক সভাকে অবহিত করেন। প্রস্তাবিত নামসমূহ নিম্নরূপ :

- ১) Prof. Ben Gerwick, POE
- ২) Mr. Klaus Ostefeld, former POE
- ৩) Mr. Guy Cottam
- ৪) Mr. John Bowcock
- ৫) Mr. Stuart Mustow
- ৬) Mr. John Turbull

৩। এই মর্মে নির্বাহী পরিচালক জানান যে, চুক্তি নং-১ এর ঠিকাদার হিউন্ডাই, যবসেকের পত্রের প্রেক্ষিতে Prof. Ben Gerwick, POE এবং Mr. Klaus Ostefeld, former POE এর বিষয়ে নিরপেক্ষ ও পক্ষপাতহীন হবে না বলে মত প্রকাশ করে এবং অন্যান্যদের বিষয়ে বিস্তারিত জানতে চায়। তারা ১৩/১০/৯৮ ইং তারিখে পত্রে এই মতামত দেয়।

৪। তিনি আরো জানান যে, চুক্তি নং-২ এর ঠিকাদার HAM VOA ১৩/১০/৯৮ তারিখে এক পত্রে Facilitator হিসেবে নিয়োগের ব্যাপারে ইতিপূর্বে সি এস সি কর্তৃক প্রস্তাবিত নাম (Mr. Ian Reeves) বোর্ড কর্তৃক পুনঃ বিবেচনার জন্য সুপারিশ করে। পরবর্তিতে ১৯/১০/৯৮ তারিখে HAM VOA-র প্রকল্প পরিচালকের সাথে এ ব্যাপারে সেতু কর্তৃপক্ষের নির্বাহী পরিচালকের আরো আলোচনা হয় এবং যৌথ Facilitator হিসেবে জনাব আবদুল মুয়ীদ চৌধুরী, সচিব, অভ্যন্তরীণ সম্পদ বিভাগ এবং চেয়ারম্যান, জাতীয় রাজস্ব বোর্ড, এবং RPT-এর উপ ব্যবস্থাপনা পরিচালক Mr. Ian Reeves- কে নিয়োগের মাধ্যমে Facilitator নিয়োগে বর্তমান অচলাবস্থা নিরসনের ব্যাপারে ঐকমত্য হয়। Mr. Ian Reeves এবং জনাব আবদুল মুয়ীদ চৌধুরী উভয়েই প্রকল্প সম্পর্কে ওয়াকিবহাল এবং Facilitator হিসাবে যোগ্য ব্যক্তিত্ব। Claim নিষ্পত্তির পদ্ধতি নির্ধারণে যে অচলাবস্থার সৃষ্টি হয়েছে তাঁদেরকে Facilitator হিসেবে নিয়োগ করলে তা দূরীভূত হবে বলে নির্বাহী পরিচালক মত প্রকাশ করেন।



৫। Claims পর্যালোচনা, মূল্যায়ন ও নিষ্পত্তির লক্ষ্যে ইতোমধ্যে বোর্ড কর্তৃক অনুমোদিত আন্তঃমন্ত্রণালয় পর্যালোচনা কমিটির আহ্বায়ক জনাব আবদুল মুয়ীদ চৌধুরীর পরিবর্তে অন্য কোন কর্মকর্তাকে এ দায়িত্ব অর্পনের বিষয়টি যবসেক-এর নির্বাহী পরিচালক সভায় উপস্থাপন করেন। তিনি এই মর্মে জানান যে, যমুনা বহুমুখী সেতু প্রকল্পের ৪টি চুক্তির Claim সম্পর্কে অবহিত আছেন এ ধরনের কাউকে এ দায়িত্ব দেয়াই বাঞ্ছনীয়। বেসামরিক, বিমান পরিবহন ও পর্যটন মন্ত্রণালয়ের সচিব জনাব মোঃ ওমর হাদী যিনি দীর্ঘদিন যবসেকে কর্মরত ছিলেন একং যিনি একজন দক্ষ প্রকৌশলীও, তাঁকে এই কমিটির আহ্বায়ক করার বিষয়ে নির্বাহী পরিচালক প্রস্তাব করেন।

৬। সভায় বিস্তারিত আলোচনান্তে উল্লেখিত বিষয়ে নিম্নরূপ সিদ্ধান্ত গৃহীত হয়।

ক) Claim সমূহ Negotiation এর মাধ্যমে নিষ্পত্তির লক্ষ্যে যৌথ Facilitator হিসেবে নিয়োগদানের জন্য জনাব আবদুল মুয়ীদ চৌধুরী, সচিব, অভ্যন্তরীণ সম্পদ বিভাগ এবং চেয়ারম্যান, জাতীয় রাজস্ব বোর্ড এবং পরামর্শক প্রতিষ্ঠান RPT-এর Mr. Ian Reeves-এর নিয়োগ দানের প্রস্তাব বোর্ড কর্তৃক অনুমোদিত হয়।

খ) Facilitator-দের সম্মানী ভাতা আলোচনাক্রমে নির্ধারণ করতে হবে।

গ) বঙ্গবন্ধু সেতু প্রকল্পের বিভিন্ন চুক্তির Claim সমূহ পর্যালোচনা, মূল্যায়ন ও নিষ্পত্তির লক্ষ্যে বেসামরিক, বিমান পরিবহন ও পর্যটন মন্ত্রণালয়ের দায়িত্বে নিয়োজিত সচিব জনাব মোঃ ওমর হাদী (আহ্বায়ক), ভারপ্রাপ্ত সচিব যমুনা সেতু বিভাগ এবং নির্বাহী পরিচালক যমুনা বহুমুখী সেতু কর্তৃপক্ষ (সদস্য), অতিরিক্ত সচিব, অর্থ মন্ত্রণালয় (সদস্য) এবং আইন বিচার ও সংসদ বিষয়ক মন্ত্রণালয়ের প্রতিনিধি (যুগ্ম-সচিবের নীচে নয়)-সদস্য সমন্বয়ে সংশোধিত আন্তঃমন্ত্রণালয় কমিটি গঠনের সিদ্ধান্ত গৃহীত হয়।

ঘ) কারিগরী ও প্রয়োজনে অন্যান্য বিষয়ে যমুনা বহুমুখী সেতু কর্তৃপক্ষের প্যানেলভুক্ত বিশেষজ্ঞ, বাংলাদেশ প্রকৌশল বিশ্ববিদ্যালয়ের অধ্যাপক ডঃ জামিলুর রেজা চৌধুরী এবং ডঃ আইনুন নিশাত কমিটিকে সহায়তা প্রদান করবেন।

আলোচ্যসূচী-বিবিধ- ১ : সভায় বঙ্গবন্ধু সেতুর পরিচালনা, রক্ষণাবেক্ষণ ও টোল আদায়ের বিষয়ে আলোচনা হয়। সুষ্ঠুভাবে বঙ্গবন্ধু সেতু রক্ষণাবেক্ষণ/পরিচালনা এবং টোল আদায়ের বিষয়ে প্রয়োজনীয় ব্যবস্থা গ্রহণ করার জন্য মাননীয় মন্ত্রী গুরুত্ব আরোপ করেন। টোল আদায়ের স্বচ্ছতা নিশ্চিত করার নিমিত্তে বঙ্গবন্ধু সেতুতে weighing machine



এবং censor machine স্থাপনের বিষয়টি ত্বরান্বিত করার জন্য মাননীয় মন্ত্রী নির্দেশ প্রদান করেন। বঙ্গবন্ধু সেতুর রক্ষণাবেক্ষণ ও টোল আদায়ের নিমিত্তে আমদানীকৃত/আমদানীতব্য বিভিন্ন মেশিন/যন্ত্রপাতির একটি তালিকা মাননীয় মন্ত্রী বরাবর পেশ করার জন্য সেতু কর্তৃপক্ষের প্রধান প্রকৌশলীকে নির্দেশ দেন।

এ বিষয়ে নিম্নরূপ সিদ্ধান্ত গৃহীত হয় :

সিদ্ধান্ত : (ক) সুষ্ঠুভাবে বঙ্গবন্ধু সেতুর টোল আদায়ের জন্য ঠিকাদার জোমাক কর্তৃক weighing machine/ censor machine স্থাপন করার বিষয়টি ত্বরান্বিত করতে হবে।

(খ) বঙ্গবন্ধু সেতুর রক্ষণাবেক্ষণ ও টোল আদায়ের নিমিত্তে আমদানীকৃত/আমদানীতব্য মেশিন/যন্ত্রপাতির একটি পূর্ণাঙ্গ তালিকা প্রণয়ন করে মাননীয় মন্ত্রীকে অবহিত করতে হবে।

আলোচ্যসূচী-বিবিধ- ২ : সভায় পদ্মা সেতুর প্রাক-সম্ভাব্যতা সমীক্ষা পরিচালনার বিষয়টিও আলোচিত হয়। নির্বাহী পরিচালক জানান যে, সরকার ইতোমধ্যেই প্রস্তাবিত পদ্মা সেতুর গুরুত্ব অনুধাবন করে প্রাক-সম্ভাব্যতা সমীক্ষা পরিচালনার জন্য টার্মস অব রেফারেন্স অনুমোদন করেছে এবং এ কাজের জন্য চলতি বার্ষিক উন্নয়ন কর্মসূচীতে (এডিপি) অর্থ বরাদ্দ রাখা হয়েছে। পদ্মা সেতুর প্রাক-সম্ভাব্যতা সমীক্ষার কাজ ত্বরান্বিত করার জন্যও মাননীয় মন্ত্রী তাগিদ দেন।

সিদ্ধান্ত : বোর্ডের ৬৪ তম সভার সিদ্ধান্তের প্রেক্ষিতে পরামর্শক (RPT-NEDECO-BCL) নিয়োগের মাধ্যমে পদ্মা সেতুর প্রাক-সম্ভাব্যতা সমীক্ষার কাজ ত্বরান্বিত করার বিষয়ে সভায় সিদ্ধান্ত গৃহীত হয়।  
পরিশেষে সভাপতি উপস্থিত সকল সদস্য ও কর্মকর্তাকে ধন্যবাদ জানিয়ে সভার সমাপ্তি ঘোষণা করেন।

(আনোয়ার হোসেন)

মাননীয় মন্ত্রী

যোগাযোগ মন্ত্রণালয়

ও

চেয়ারম্যান

যমুনা বহুমুখী সেতু কর্তৃপক্ষ

২৫শে অক্টোবর, ১৯৯৮ ইং তারিখে অনুষ্ঠিত যমুনা বহুমুখী সেতু কর্তৃপক্ষের  
৬৫তম বোর্ড সভায় উপস্থিত সদস্য ও কর্মকর্তাবৃন্দের নামের তালিকা।

ক্রমিক নং	নাম ও পদবী	মন্ত্রণালয়/সংস্থা
১।	ডঃ এ. কে. আবদুল মুবিন নির্বাহী পরিচালক	যমুনা বহুমুখী সেতু কর্তৃপক্ষ, ঢাকা।
২।	জনাব মোঃ আব্দুল ওয়াদুদ প্রধান প্রকৌশলী	সড়ক ও জনপথ বিভাগ, ঢাকা।
৩।	শেখ মইন উদ্দীন আহমদ, বিভাগীয় প্রধান, ভৌত অবকাঠামো বিভাগ	পরিকল্পনা কমিশন, ঢাকা।
৪।	ডঃ মোহাম্মদ শাহজাহান পিওই, যমুনা বহুমুখী সেতু প্রকল্প।	বাংলাদেশ প্রকৌশল বিশ্ববিদ্যালয়, ঢাকা।
৫।	ডঃ জামিলুর রেজা চৌধুরী পিওই, যমুনা বহুমুখী সেতু প্রকল্প।	বাংলাদেশ প্রকৌশল বিশ্ববিদ্যালয়, ঢাকা।
৬।	জনাব মোঃ আবদুল কাদের মিয়া পরিচালক (প্রশাসন)	যমুনা বহুমুখী সেতু কর্তৃপক্ষ, ঢাকা।
৭।	জনাব এ. কে. এম, খলিলুর রহমান প্রধান প্রকৌশলী	যমুনা বহুমুখী সেতু কর্তৃপক্ষ, ঢাকা।
৮।	জনাব ফারুক আহমদ সিদ্দিকী পরিচালক (অর্থ ও হিসাব)	যমুনা বহুমুখী সেতু কর্তৃপক্ষ, ঢাকা।
৯।	জনাব এ. কে. এম, শামসুজ্জোহা পরিচালক (পি.পি এন্ড এম)	যমুনা বহুমুখী সেতু কর্তৃপক্ষ, ঢাকা।
১০।	জনাব আ. স. ম, মঞ্জুর প্রকল্প পরিচালক	যমুনা বহুমুখী সেতু কর্তৃপক্ষ, ঢাকা।
১১।	জনাব বেনু গোপাল দে অতিরিক্ত পরিচালক (পরিবেশ)	যমুনা বহুমুখী সেতু কর্তৃপক্ষ, ঢাকা।